



Inatsisartunut ilaasortaq,
Sofia Geisler, Inuit Ataqtigiit
Maani/

§ 37 naapertorlugu apeqquteqaammut nr. 7-2020-mut akissut

Ulloq: 19-02-2020
Suliap normua: 2020 - 2526
All. nr. 12964375

Inatsisartut suleriaasianni § 37, imm. 1 malillugu qalerallit pillugit Naalakkersuisunut apeqqutinik saqqummiussaqaarputit. Apeqqutit suliassaqaarfigisannit akineqartussanngorlugit innersuunneqarput.

Postboks
269
3900 Nuuk
Oqarasuaat (+299) 34 50 00
Fax (+299) 34 63 55
E-mail: apn@nanoq.gl
www.naalakkersuisut.gl

1. §37_003/2020, apeqqut 5-imut Naalakkersuisut akipput: ***“Naalakkersuisut ilisimatitsissutigissavaat pisat pillugit kisitsisit kisitsisaagallartut. Naalakkersuisut tamassuma saniatigut pisamut tunngatillugu maannakkut allanik paasissutissaateqanngillat.”*** - Nuup eqqaani pisassat qanoq amerlatiginissaannik imalimmik innersuusummik §37_003/2020-ip akineqarnerata nalaani Naalakkersuisut tigusaqarsimasut paasivara.

- Nuup Kangerluani qalerallit qanoq amerlatigisut pisarineqartariaqarnerannik innersuussineq decemberimi Pinngortitaleriffimmiit tigusimasartik pillugu apeqquteqartumut ilisimatitsiniarnatik Naalakkersuisut aalajangernerminnut suna tunngavigaat?

1-imut akissut) §37 nr 2020-003-mut akissummini Naalakkersuisut maluginiaqqaat pisarineqartut kisitsisitaat missingiutaannaagallarmata. TAC-issatut kaammattuutigineqartumut apeqqutaassapput ukiumut pisat tamarmiusut aatsaat ukiup qaammatisiuteqarfiusup naanerani naatsorsorneqartussat. Siunnersuutigineqartut Naalakkersuisut Pinngortitaleriffimmiit tigusaat 2019-imi pisarineqartut qanoq annertugisimanerat apeqqutaatillugu kaammattuutaapput taamatullu NAFO-p ilisimatuussutsikkut siunnersuisoqatigiivinit suli atuuttussanngortinneqanngitsut. Taamaammatt nalilisoqarpoq paasissutissat taakku taamanikkut pineqartumut atorsinnaanngikkallartut.

2. §37_003/2020, apeqqut 3-mut akissummini Naalakkersuisut allapput: ***“Sumiiffinni aqutsiveqarfiit atorlugit aalisarfiunngitsuni qalerallit 6.956 tonsit 2019-imi pisarineqarput. Tassani sumiiffittut pisassiiffiunngitsutut taaneqartartut ilaapput.”***

- Nuup eqqaani qalerallit pisarineqartut qanoq amerlatiginissaannik Pinngortitaleriffiup innersuussinera, Naalakkersuisullu december 2019 tigusaat, qanoq kisitsisitaqarpa?

2-mut akissut) Naalakkersuisut maluginiallaqqussavaat pisat kisitsisitaat §37 2020_003-mut akissummi naatsorsorneqarsimasut aqutsiveqarfik 46-imut tamarmiusumoortuummata - Kalaallit Nunaata sinneranut. Taamaalliluni pisat tamarmiusut kisitsisitaat ukununnga Qaanaaq, Tunu aamma Kitaa, Qeqertarsuup

Tunuanit kujammut (NAFO 1B-F), taamatullu imartat pisassiivunngitsut pineqarput, Nuup eqqaa 1D kisimi, pineqarani.

Naalackersuisut taaneqareersutut december 2019-imi NAFO-p imartaani 1B-C, 1D aamma 1E-F-imi Pinngortitaleriffiup aallarnisaataasumik siunnersuina tiguaat, kisiannili aammaarlugu maluginiaqquneqassaaq siunnersuineq taanna suli NAFO-p ilisimatuussutsikkut siunnersuisoqatigiivinit, Kalaallit Nunaata Kitaani qaleralinnut pisortatigoortumik siunnersuuteqartartunit, atuuttussanngortinneqanngimmat.

2020-mi Nuup eqqaani (1D) qaleralittarineqartussanut Pinngortitaleriffiup siunnersuina 2019-imi pisarineqartut tunngavigalugit 667 tonsinut missiliunneqarpoq.

3. §37_172/2019, Nuup Kangerluanut tunngasumi, apeqqut 2-mut aamma 3-mut Naalackersuisut akipput: *“Davis Strædemi aamma Baffin Bugtimi avataani qaleralinniarnep MSC-mit akuerineqarneranut atatillugu MSC-mit piunasaqaataanikuuvoq 2019-ip ingerlanerani – MSC-millu nutarnerineq augustimi 2019-imi pisussaagunartoq sioqqullugu – aqutsivik aqqiivigineqassasoq, tassani isumagineqassalluni avataani sumiiffinnut taakkununga marlunnut kiisalu sinerissap qanittuani sumiiffinni 1B-1F (Aasianniit Kap Farvelimut) 2020-mi TAC-p NAFO-p tamarmiusumik pisassanut innersuussutaa qaangissanngikkaa.. Taamaattoqanngippat MSC-mit akuersissut annaaneqariaannaasoq, inuussutissarsiummik ingerlataqartut nalunaarput. Taamaattumik Naalackersuisut sulissutigaaat kingusinnerpaamik 1. januar 2020 NAFO-p immikkoortuini 1B-1F-imi aqutsiveqarfiit tassani pilersinneqarsimanissaat.”*

- Sinerissap qanittuani qaleralinniarnep pillugu Namminersorlutik Oqartussat nalunaarutissaattut siunnersuutip Naalackersuisunit akuerineqannginneratigut Kitaani avataasiarluni qaleralinniarnermi MSC-mik meqqilersuineq tamaat Naalackersuisunit ulorianartorsiortinneqartoq Naalackersuisut uppersarsinnaavaat?

3-mut akissut) Naalackersuisut isumaqarput pingaarteqarlunnartuusoq Aalisarneq Pillugu Ataatsimiititaliarsuup isumaliutissiissutissaata utaqqineqarnissaa, taamaalilluni imartatsinni qaleralit ataatsimut ataqatigiissaakkamillu ingerlatsivilerneqassammata. Taamatuttaaq NAFO’p ilisimatuussutsikkut siunnersuisoqatigiivisa Pinngortitaleriffiup siunnersuineranik atuuttussanngortitsinissaa pisariaqarpoq, taamaalilluni pisortat aalisarnermik ingerlatsinerat siunnersuineranut naleqqussarneqarsinnaaniassammata.


MSC-mik uppersarsaasiarnermut tunngatillugu aqutsinissamut pilersaarut atuuttoq naleqqussarneqassanngikkaluarpata aarlerinartoqarpoq. ingerlatsinissamut pilersaarut nutarterniarlugu suliaqarpugut, tassani NAFO-p ataatsimut siunnersuina saqqumeriarpat ilanngullugu naatsorsuutigineqassalluni, siunissamilu qaleralinnik piujuartitsinissamik tunngaveqarluni aqutsinissamut pilersaarutip qulakkeerneqarnissaanut iluaqutaassalluni. MSC-imut akisussaasut naliliinerminni ilanngullugu eqqaamaniartarpaat uppersarsaasigaanermi piunasaqaatit anguneqarnissaat sulissutigineqartassasoq.

4. Sinerissap qanittuani qaleralinniarnep pillugu Namminersorlutik Oqartussat nalunaarutissaattut siunnersuutip Naalackersuisunit akuerineqannginneratigut MSC-imik meqqilersuinerup ulorianartorsiortinneqarnissaa pinngitsoorniarlugu aqutsiveqarfimmi

Qeqertarsuup Tunuata kujataani sinerissamut qanittumi qaleralittarineqartut avataasiorluni pisassanit ilanngaatigineqartalernissaat eqqorpa?

4-mut akissut) MSC-mut akisussaasut anigorniagassat uparuakkavit qanoq ililluni aaqqinneqarnissaat piumasaqaatigisanngilaat. Naalakkersuisut Pinngortitaleriffik aamma Sustainable Fisheries Greenland qanittuaqqamik suleqatigaat pitsaassusissanik piumasaqaatit naammassineqartarnerannik misissuinermi kingullermi MSC-p aalajangersagaanni piumasaqaataasut eqqortinniarlugit, soorlu ilaatigut Qeqertarsuup Tunuata kujataani sinerissamut qanittumi qaleralinniarnep pisortanit ingerlatsivigineqarnerani unammilligassanut tunngatillugu.

Inussiarnersumik inuulluaqqusillunga



Jens Immanuelson

Aalisarnermut, Piniarnermut Nunalerinermullu Naalakkersuisoq